



## Cyflwyniad

Mae'r daflen ffeithiau hon yn rhoi sylw i gwynion yn ymwneud ag Arolygiaeth Gofal Cymru (AGC). Dylid ei darllen ochr yn ochr â'n llyfryn gywbonaeth gyffredinol, ar gael [yma](#).

Mae AGC yn gyfrifol am annog gwelliannau ym maes gofal cymdeithasol, blynyddoedd cynnar a gwasanaethau cymdeithasol. Mae'n cyflawni'r nod hwn drwy reoleiddio, arolygu ac adolygu. Os credwch chi nad yw AGC wedi dilyn y gyfraith, rheoliadau neu ganllawiau, mae'n bosib y bydd yr Ombwdsmon yn gallu eich helpu gyda'ch cwyn. Fel arfer, byddai'r Ombwdsmon yn disgwyl i chi gwyno wrth AGC (Llywodraeth Cymru) ei hun yn gyntaf.

## Yr hyn gall yr Ombwdsmon ei wneud

Gall yr Ombwdsmon:

- edrych ar gwynion am ddiffygion gweithdrefnol a gweinyddol sy'n deillio o swyddogaeth reoleiddio AGC;
- edrych ar gwynion am ddiffygion gweithdrefnol a gweinyddol sy'n deillio yn ystod adolygiad AGC o Wasanaethau Cymdeithasol Llywodraeth Leol;
- edrych ar gwynion lle nad yw AGC wedi cyflwyno ymateb neu lle mae wedi cyflwyno ymateb anfodddhaol;
- ystyried cwynion am broses adrodd AGC.

## Yr hyn na all yw'r Ombwdsmon yn gallu ei wneud

Ni all yr Ombwdsmon:

- ystyried unrhyw faterion yn ymwneud ag atal o'r gwaith, disgyblu neu faterion personél yn ymwneud â swyddogion AGC neu'r cyrff mae'n eu rheoleiddio neu'n eu harolygu;

- codi cwestiynau am benderfyniad priodol y mae gan AGC hawl i'w wneud.

## Materion i gadw mewn cof

- Mae'n ofynnol yn ôl y gyfraith i Wasanaethau Rheoledig gael eu gweithdrefn gwyno eu hunain. Mae'n bosib y bydd Gwasanaethau Cymdeithasol yr Awdurdod Lleol yn cael eu cynnwys hefyd wrth ystyried cwynion am wasanaethau rheoledig lle mae wedi prynu gofal ar ran rhywun. Gall yr Ombwdsmon hefyd ymchwilio i gwynion a wnaed gan bobl sy'n ariannu eu gofal eu hunain mewn cartrefi gofal a thrwy wasanaethau gofal cartref. Mae AGC yn ymddiddori yn natur y cwynion mewn gwasanaethau rheoledig ac mae'n gyfrifol am wirio sut y cydymffurfir â'r fframwaith cyfreithiol.
- Gwasanaethau Cymdeithasol Awdurdod Lleol sy'n ysgwyddo'r prif gyfrifoldeb dros ddiogelu plant ac oedolion. Maent yn gweithio gyda chyrrff statudol eraill er mwyn cyflawni'r swyddogaeth hon.
- Dylid delio â chwynion am y 'Gwasanaethau Cymdeithasol' dan weithdrefn Gwasanaethau Cymdeithasol yr Awdurdod Lleol ei hun yn gyntaf (gweler "Canllaw ar gyfer delio â chwynion a chynrychiolaeth gan wasanaethau cymdeithasol awdurdodau lleol").
- Mae gan Ddarparwyr gwasanaethau hefyd hawliau i gyflwyno sylwadau i AGC ac i apelio ar faterion rheoleiddio i'r Tribiwnlys Safonau Gofal.

## Gwybodaeth bellach

Gellir cael gwybodaeth bellach am AGC, yn cynnwys copïau o adroddiadau arolygu, ar ei gwefan:

<https://arolygiaethgofal.cymru/>

Os ydych chi am apelio yn erbyn penderfyniad rheoleiddio a wnaethpwyd gan AGC, a'ch bod eisoes wedi cyflwyno sylwadau i AGC, gallwch apelio i'r Tribiwnlys Safonau Gofal:

Tribiwnlys Safonau Gofal, Llawr 1af, Llys Ynadon Darlington, Parkgate, DL1 1RU; Ffôn: 01325 289350; E-bost: [cst@justice.gov.uk](mailto:cst@justice.gov.uk)

Os oes gennych chi gŵyn am ymddygiad gweithiwr cymdeithasol neu weithiwr gofal, gallwch gysylltu â Gofal Cymdeithasol Cymru:

Gofal Cymdeithasol Cymru, Tŷ Southgate, Stryd Wood, Caerdydd, CF10 1EW; Ffôn: 0300 30 33 444

E-bost: [gwybodaeth@gofalcymdeithasol.cymru](mailto:gwybodaeth@gofalcymdeithasol.cymru)

Gwefan: <https://gofalcymdeithasol.cymru>

Mae'r Ombwdsmon yn annibynnol ac yn ddiuedd; ni all orchymyn cyrrff cyhoeddus i weithredu ei argymhellion – ond yn ymarferol, maent yn gwneud hynny'n ddieithriad bron. Gellir gweld achosion y mae'r Ombwdsmon wedi rhoi sylw iddynt ar ein gwefan. Ewch i [www.ombwdsmon.cymru](http://www.ombwdsmon.cymru)

## Cysylltu â ni.

Os ydych yn ansicr a fyddai'r Ombwdsmon yn gallu edrych i mewn i'ch cwyn, [cysylltwch â ni](#).

## Hawdd ei Ddarllen

---

Arolygiaeth Gofal Cymru

 [Lawrlwytho](#)

---

[Holwch@ombwdsmon.cymru](mailto:Holwch@ombwdsmon.cymru)

0300 790 0203